



FJARÐABYGGÐ

Reglur um Fjárhagsáætlun Fjarðabyggðar 2023 - 2025

Samþykkt í bæjarstjórn 6. maí 2021

Fjárhagsáætlunarferli Fjarðabyggðar

1.	Rammafjárhagsáætlun.....	3
2.	Stutt lýsing á fjárhagsáætlunarferlinu	3
3.	Skilgreining hlutverka og ábyrgðar í fjárhagsáætlunarferlinu	4
3.1	Bæjarstjórn.....	4
3.2	Bæjarráð.....	4
3.3	Bæjarstjóri.....	4
3.4	Fjármálastjóri	4
3.5	Fastanefndir og stjórnir	4
3.6	Sviðsstjóri	5
3.8	Stjórnandi stofnunar/deildar.....	5
3.9	Fjármálasvið.....	5
3.10	Stjórnsýslu- og þjónustusvið.....	5
4.	Reiknilíkan til úthlutunar fjárheimilda.....	5
5.	Starfsáætlun.....	6
6.	Form og framsetning fjárhagsáætlunar	6
7.	Leikreglur með fjárhagsáætlun	7
7.1	Bundnir kostnaðarstaðir í fjárhagsáætlun	7
7.2	Aðrir kostnaðarstaðir	7
7.3	Rekstur fasteigna og tækja – innri leiga.....	8
7.4	Starfsmannamál.....	8
7.5	Breyttar launaforsendur og mannahaldsáætlanir	8
7.6	Gjaldskrármál.....	8
7.7	Upplýsingakerfi.....	8
7.8	Innkaup og samningar.....	8
8.	Tímaáætlun fjárhagsáætlunargerðar.....	10

1. Rammafjárhagsáætlun

Markmið með rammafjárhagsáætlun¹ Fjarðabyggðar eru einkum eftirfarandi:

- ✓ Að áætlun um rekstrarútgjöld bæjarins grundvallist á fyrirsjáanlegum tekjum.
- ✓ Að ábyrgð og ákvarðanir séu eins nálægt notendum þjónustu og við verður komið.
- ✓ Að ábyrgðarmörk séu skýr.
- ✓ Að sviðsstjórar og forstöðumenn hafi athafnafrelsi í rekstri.

2. Stutt lýsing á fjárhagsáætlunarferlinu

Framkvæmd á fjárhagsáætlunarferlinu verður með eftirfarandi hætti:

1. Fjármálastjóri vinnur tekjuáætlun og áætlar ráðstöfunarfé bæjarins fyrir næsta.
2. Áætlað rástöfunarfé og skipting milli málaflokka er lögð fyrir sviðsstjóra til umfjöllunar og borin saman við þörf hvers málaflokks eða sviða fyrir sig í ágúst.
3. Fjármálastjóri og bæjarstjóri leggja fram tillögu að fjárhagsramma með áætluðum tekjum, ráðstöfun rekstrarútgjalda til málaflokka og fjárfestinga á grundvelli upplýsinga fjármálasviðs og samþykktum tillögum frá nefndum. Rekstrarféinu er skipt í fjárhagsramma til einstakra sviða og til ófyrirséðra útgjalda. Tillaga um skiptinguna og meðferð tillagna nefnda er lögð fyrir bæjarráð.
4. Bæjarráð úthlutar fjárhagsrömmum til málaflokka og fastanefnda í byrjun september.
5. Sviðstjórar undirbúa starfs- og fjárhagsáætlunarí í samráði við hlutaðeigandi fastanefnd og stjórnendur stofnana. Gögn og greiningar frá fjármálasviði eru lögð til grundvallar í fjárhagsáætlunargerð.
6. Starfsáætlun er samofin tölulegum upplýsingum fjárhagsáætlunar og skal lýsa hvernig rekstri sviðsins verður fyrir komið innan fjárhagsrammans og hvaða breytingar eru fyrirhugaðar á sviðinu. Sviðsstjóri vinnur yfirlit um skiptingu rekstrarkostnaðar á einstaka kostnaðarstaði (tegundagreiningu) fyrir frumvarp að fjárhagsáætlun. Fjármálasvið ákveður form starfsáætlunar.
7. Bæjarráð fjallar um starfsáætlunarí einstakra sviða og þær breytingar á starfsemi sem í þeim felast. Bæjarráð getur bæði óskað eftir að starfsáætlun sé endurunnin og ákveðið að breyta fjárveitingu til einstakra sviða eða málaflokka hvenær sem er í ferlinu. Við umfjöllun í bæjarráði kynnir formaður fastanefndar ásamt sviðstjóra starfsáætlun og markmiðssetningu málaflokksins.
8. Fjármálasvið undirbýr frumvarp að fjárhagsáætlun í samráði við bæjarstjóra og bæjarráð. Frumvarpið skal lagt fram í bæjarráði fullbúið fyrir 1. nóvember.
9. Umræðum um fjárhagsáætlun í bæjarstjórn lýkur í nóvember.

Sviðsstjórar hafa svigrúm til ákvarðana og framkvæmda innan fjárhagsáætlunarinnar í samráði við fastanefnd. Breytingar á gjaldskrám og breytingar á þjónustustigi þurfa samþykki bæjarráðs.

¹ Í rammafjárhagsáætlunum marka tekjurnar útgaldarammann. Hver málaflokkur fær úthlutað fjármunum til eins árs í senn til reksturs málaflokksins. Starfsáætlunarí eru unnar á grundvelli stefnumótunar Fjarðabyggðar.

3. Skilgreining hlutverka og ábyrgðar í fjárhagsáætlunarferlinu

3.1 Bæjarstjórn

- ✓ fjallar um og samþykkir markmiðssetningu Fjarðabyggðar.
- ✓ samþykkir álagningarhlutfall útsvars, fasteignaskatta og allar gjaldskrár
- ✓ samþykkir frumvarp að fjárhagsáætlun, starfsáætlun, markmiðssetningu og breytingar á sköttum, gjaldskrám og þjónustustigi, nýja starfsemi og starfsemi sem áformað er að breyta.
- ✓ fjallar um frumvarp að fjárhagsáætlun á tveimur fundum.
- ✓ samþykkir fjárhagáætlun ársins ásamt þriggja ára áætlun næstu ára þar á eftir um rekstur, framkvæmdir og fjármál bæjarins. Þriggja ára áætlun er stefnumótandi og leiðbeinandi um rekstur og fjárfestingar bæjarins og er afgreidd samhliða afgreiðslu fjárhagsáætlunar næsta árs.

3.2 Bæjarráð

- ✓ samþykkir ferli og framsetningu fjárhagsáætlunargerðarinnar.
- ✓ samþykkir skiptingu rekstrarfjár í fjárhagsramma til einstakra sviða og ófyrirséðra útgjalda.
- ✓ fjallar um tillögur nefnda um forgangsröðun framkvæmda og fjárfestinga.
- ✓ afgreiðir frumvarp að fjárhagsáætlun næsta árs og þriggja ára áætlun til umræðna í bæjarstjórn til fyrri umræðu ásamt starfsáætlun og markmiðssetningu Fjarðabyggðar.
- ✓ afgreiðir fjárhagsáætlun auk breytingartillagna við hana til annarrar umræðu.
- ✓ afgreiðir samanteknar áætlanir aðalsjóðs og fyrirtækja sveitarfélagsins til bæjarstjórnar.

3.3 Bæjarstjóri

- ✓ ber ábyrgð á fjárhagsáætlun Fjarðabyggðar.
- ✓ leggur fyrir bæjarráð tillögur um skiptingu rekstrarfjár í fjárhagsramma til einstakra sviða og ófyrirséðra útgjalda í samstarfi við fjármálastjóra.
- ✓ leggur fyrir bæjarráð frumvarp að fjárhagsáætlun næsta árs og þriggja ára fjárhagsáætlun.

3.4 Fjármálastjóri

- ✓ ber ábyrgð á undirbúningi fjárhagsáætlunar í samvinnu við bæjarstjóra og stýrir gerð fjárhagsáætlunar.
- ✓ undirbýr og mótar tillögur að forsendum fjárhagsáætlunar um þróun skatttekna, álagningarforsendur, gjaldskrárþróun, verðlagsþróun og aðrar hagstærðir.
- ✓ vinnur í samráði við bæjarstjóra tillögur fyrir bæjarráð um skiptingu rekstrarfjár í fjárhagsramma til einstakra sviða og ófyrirséðra útgjalda.
- ✓ vinnur með sviðsstjórum og fastanefndum að útfærslu fjárhagsáætlunarinnar auk tillagna um mögulegar breytingar á starfsemi Fjarðabyggðar.
- ✓ útbýr frumvarp að fjárhagsáætlun og gætir samræmis í allri framsetningu og heildarmynd áætlunarinnar.

3.5 Fastanefndir og stjórnir

- ✓ vinna að stefnumótun og markmiðssetningu Fjarðabyggðar fyrir hlutaðeigandi málaflokka.
- ✓ afgreiða fjárhagsáætlun ásamt starfsáætlun hlutaðeigandi málaflokka.
- ✓ formaður fastanefndar, ásamt sviðsstjóra, kynnir starfsáætlun og tillögur í frumvarp að fjárhagsáætlun í bæjarráði.

3.6 Sviðsstjóri

- ✓ ber ábyrgð á undirbúningi fjárhags- og starfsáætlunar á sínu sviði í samræmi við stefnumótun og forgangsröðun fastanefndar eða stjórnar.
- ✓ gerir tillögu um skiptingu fjárhagsramma málaflokks milli rekstrareininga á sviðinu.
- ✓ kynnir fastanefnd/stjórn tillögur í frumvarp að fjárhagsáætlun og leggur starfsáætlun fyrir nefndina til afgreiðslu.
- ✓ kynnir, ásamt formanni nefndar/stjórnar, starfsáætlun og tillögur í frumvarp að fjárhagsáætlun í bæjarráði.

3.8 Stjórnandi stofnunar/deildar

- ✓ vinnur fjárhagsáætlun stofnunar/deildar í samráði við sviðsstjóra.
- ✓ hefur heimild til að ráðstafa rekstrarfjármunum ársins innan fjárhagsramma viðkomandi stofnunar í samráði við sviðsstjóra.

3.9 Fjármálasvið

- ✓ áætlar skatttekjur og aðrar tekjur Fjarðabyggðar og gengur frá yfirliti yfir forsendur varðandi verðlagsþróun.
- ✓ annast leiðbeiningar og ráðgjöf í fjárhagsáætlunarferli og gefur út fyrirmyn dir um form fjárhags- og starfsáætlana.
- ✓ heldur fundi með sviðsstjórum um áætlun komandi árs og næstu þriggja ára.
- ✓ fer yfir fjárhagsáætlanir og starfsáætlanir einstakra málaflokka og leiðbeinir um samræmda framsetningu.
- ✓ annast frágang frumvarps að fjárhagsáætlun, ásamt greinargerð með frumvarpi að fjárhagsáætlun og framsetningu og útgáfu fjárhagsáætlunar og þriggja ára áætlunar.

3.10 Stjórnsýslu- og þjónustusvið

- ✓ annast útreikninga á launabreytingum skv. almennum kjarasamningum og leggur mat á kostnaðaráhrif.
- ✓ veitir sviðum/stofnunum leiðbeiningar og ráðgjöf á sviði vinnuréttar, löggjafar og kjarasamninga.

4. Reiknilíkan til úthlutunar fjárheimilda

Reiknilíkan til úthlutunar fjárheimilda byggist á því meginmarkmiði að útgjaldarammi sé ekki umfram tekjur sveitarfélagsins.

Úthlutun fjárheimilda til málaflokka og stofnana skal taka mið af:

- ✓ niðurstöðu og reynslu síðasta ára
- ✓ breytingum sem orðið hafa í rekstri viðkomandi sviðs/stofnunar.
- ✓ hagrænum forsendum.
- ✓ tækifærum til hagræðingar eða breytinga.
- ✓ markmiðssetningu og annarri stefnumörkun fastanefnda, bæjarráðs og bæjarstjórnar

Sértaek reiknilíkön

Við úthlutun fjárheimilda til grunn- og leikskólum skal nota reiknilíkön og viðmiðanir sem fraðslu- og frístundanefnd fjallar um og bæjarstjórn hefur samþykkt.

5. Starfsáætlun

Sviðsstjórar og forstöðumenn eru ábyrgir fyrir gerð starfsáætlunar innan fjárhagsrammans í samvinnu við fastanefnd. Í starfsáætlun er gerð grein fyrir meginmarkmiðum og hlutverki viðkomandi sviðs eða málaflokks. Starfsáætlun er greinargerð um áfórmáðan rekstur málaflokkssins innan þess fjárhagsramma sem ákveðinn hefur verið. Í henni skal lýsa þeim breytingum sem áætlað er að verði í rekstrinum á komandi ári og sérstökum ráðstöfunum sem gerðar verða til að rekstrarkostnaður falli að fjárhagsramma sviðsins eða málaflokkssins. Starfsáætlun er greinargerð sviðsins um það hvernig áætlað sé að reka það innan fjárhagsramma og hvaða ráðstafanir þurfi að gera til þess.

Í starfsáætlun skal eftirfarandi koma fram:

- Markmiðssetning viðkomandi sviðs eða málaflokks
- Stutt almenn lýsing á starfsemi viðkomandi sviðs, fjöldi starfsmanna/stöðugild, deildir
- Lýsing á breytingum á umfangi og eða rekstri sviðs/málaflokks
- Gjaldskrársteftna og breytingar á gjaldskrám
- Lýsing á fjárfestingum og framkvæmdum sviðs
- Skýringar á einstökum liðum eða verkefnum í fjárhagsáætlun
- Aðferð til að meta árangur starfseminnar

Sviðstjórum og forstöðumönnum er ætlað í samvinnu við fastanefnd að vinna fyrstu tillögu að starfsáætlun að sumri þannig að í henni komi fram hugmyndir og tillögur að breytingum á þjónustu og þjónustustigi Fjarðabyggðar áður en eiginlegar tillögur að rammaúthlutun liggja fyrir í ágúst.

6. Form og framsetning fjárhagsáætlunar

Fjárhagsáætlanir ásamt starfsáætlun skulu birtar á heimasíðu Fjarðabyggðar og vera þar aðgengilegar fyrir stjórnendur og þá sem bera ábyrgð á fjárhagsútgjöldum. Starfs- og fjárhagsáætlanir eru ekki gefnar út á prentuðu formi.

Í fjárhagsáætlun næsta árs og skal eftirfarandi koma fram:

- ✓ Markmiðssetning bæjarstjórnar.
- ✓ Markmið hvers málaflokks ásamt stærstu deildum
- ✓ Forsendur tekna og útgjalda, þ.m.t. íbúaþróun, útsvarsþróun, hagrænar forsendur um verðlag, gengi, visitörlur, mannfjöldaþróun, atvinnustig, efnahagsmál, skuldir o.fl.
- ✓ Breytingar á forsendum eða umhverfi einstakra málaflokkka
- ✓ Breyting í rekstri hvers málaflokks og helstu verkefni á árinu
- ✓ Meginniðurstöður fjárhagsáætlunar þ.m.t. lykiltölur.
- ✓ Rekstrareikningur samstæðu, aðalsjóðs og fyrirtækja.
- ✓ Efnahagsreikningur samstæðu, aðalsjóðs og fyrirtækja.
- ✓ Sjóðstreymisyfirlit samstæðu, aðalsjóðs og fyrirtækja.
- ✓ Lykiltölur samantekins reiknings Fjarðabyggðar.
- ✓ Fjárfestinga- og framkvæmdaáætlun Fjarðabyggðar.

Í kafla um þriggja ára fjárhagsáætlun og skal eftirfarandi koma fram:

- ✓ Markmiðssetning bæjarstjórnar.

Fjárhagsáætlunarferli Fjarðabyggðar

- ✓ Forsendur tekna og útgjalda, þ.m.t. íbúaþróun, útsvarsþróun, hagrænar forsendur um verðlag, gengi, vísítörlur, mannfjöldaþróun, atvinnustig, efnahagsmál, skuldir o.fl.
- ✓ Meginniðurstöður fjárhagsáætlunar þ.m.t. lykiltölur.
- ✓ Rekstrareikningur samstæðu, aðalsjóðs og fyrirtækja.
- ✓ Efnahagsreikningur samstæðu, aðalsjóðs og fyrirtækja.
- ✓ Sjóðstreymisfirlit samstæðu, aðalsjóðs og fyrirtækja.
- ✓ Lykiltölur samantekins reiknings Fjarðabyggðar.
- ✓ Fjárfestinga- og framkvæmdaáætlun Fjarðabyggðar.

7. Leikreglur með fjárhagsáætlun

7.1 Bundnir kostnaðarstaðir í fjárhagsáætlun

Fjármálasvið úrskurðar um hvað lyklar skuli vera bundnir kostnaðarstaðir í samræmi við neðan greint. Eftirfarandi liðir eru a.m.k. bundnir kostnaðarstaðir:

- Laun og launatengdgjöld í hverjum málaflokki.
- Fjárhagsaðstoð og barnavernd.
- Sérstakur húsnæðissttuðningur.
- Lög- og samningsbundin framlög
- Innri tekju- og gjaldaliðir s.s. reiknuð leiga, reiknuð afnot, millfærð vinna
- Orlofs- og lífeyrisskuldbindingar.

Um bundna kostnaðarstaði gildir eftirfarandi:

- ✓ Kostnaðarstaðir þar sem útgjaldapróun er mjög óviss og/eða stjórnast að mestu eða öllu leyti af þáttum utan við vald- eða áhrifasvið sviðsstjóra skulu vera bundnir innan fjárhagsrammans.
- ✓ Forstöðumaður getur ekki ráðstafa afgangi sem verða kann á bundnum kostnaðarstað til að mæta umframkostnaði á öðrum kostnaðarstöðum og getur ekki notað rekstrarafgang sem verða kann á öðrum kostnaðarstöðum til þess að mæta umframkostnaði á bundnum kostnaðarstað.
- ✓ Fjármálstjóri getur gefið heimild til sviðsstjóra til að færa af bundnum kostnaðarstað vegna laun- og launatengdra gjalda til annarra kostnaðarstaða.
- ✓ Þyki sýnt að útgjöld á bundnum kostnaðarstað stefni fram úr áætlun skal forstöðumaður gera nefnd og bæjarráði grein fyrir fráviku og ástæðum þess.

7.2 Aðrir kostnaðarstaðir

Almennt hafa forstöðumenn og sviðstjórar heimild til að færa kostnað á móti fjárhagsáætlun innan sinnar stofnunar eða málaflokks þannig að stofnunin eða málaflokkurinn í heild sé í samræmi við fjárheimildir eða fjárhagsáætlun. Gæta skal samt að réttri notkun fjárhagslykla. Forstöðumenn og sviðstjórar eru ekki almennt bundnir af fjárhagsáætlun fyrir einstaka bókhaldslykla.

Tilfærslur á styrkjaliði eða af þeim verða aðeins gerðar með samþykkt hlutaðeigandi fastanefndar.

7.3 Rekstur fasteigna og tæki – innri leiga

Húsnæði og bifreiðar/tæki í eigu Fjarðabyggðar skal nýtt með sem bestum og hagkvæmustum hætti. Innri leiga endurspeglar þann kostnað sem fólgin er í því að fjármagna, viðhalda og reka viðkomandi fasteign, bifreið eða tæki. Bifreiðar og tæki eru reikningsfærð á deildir og málaflokka í samræmi við notkun á lengra tímabili

Gerðir skulu leigusamningar um allt húsnæði Fjarðabyggðar. Í leigusamningum skal kveðið á um réttindi og skyldur leigutaka og er framkvæmdasvið Fjarðabyggðar ábyrgt sem leigusali. Framkvæmdasvið fer með umjón eigna Fjarðabyggðar og skal meðal annars ákvarða um viðhald eigna og umhirðu lóða.

7.4 Starfsmannamál

Ábyrgð á framkvæmd starfsmannastefnu Fjarðabyggðar er hjá einstökum sviðum og stofnunum. Samræmd stefnumótun og verklagsreglur eru á ábyrgð stjórnsýslu- og þjónustusviðs.

Gagnkvæmur uppsagnarfrestur er almennt þrír mánuðir en í ákveðnum tilvikum getur hann verið skemmri og hjá sumum starfsstéttum getur hann orðið allt að sex mánuðir. Uppsagnarréttur vinnuveitenda byggist á kjarasamningum og ráðningarsamningum. Takmarkanir eru í lögum, reglum, samþykktum og starfsmannstefnu Fjarðabyggðar gagnvart barnshafandi konum, foreldri í fæðingarorlofi og starfsmanni í veikindum. Uppsagnarréttur er í höndum sviðsstjóra eða forstöðumanns stofnunar, en hjá bæjarstjóra í samráði við bæjarráð ef um næstu undirmenn bæjarstjóra er að ræða. Telji forstöðumaður það brýna hagsmuni stofnunar að leysa starfsmann frá störfum vegna heilsbrests, eða gera starfslokasamning, skal það unnið í samráði við stjórnsýslu- og þjónustusvið og í samræmi við kjarar- og ráðningarsamninga. Stjórnsýslu- og þjónustusvið ber ábyrgð á að samráðs við stéttarfélag sé gætt ef um er að ræða skipulagsbreytingar. Gæta verður sérstakra lagaákvæða ef uppsagnir ná til hóps starfsmanna.

7.5 Breyttar launaforsendur og mannahaldsáætlanir

Um útreikning kostnaðarauka vegna miðlægra kjarasamninga gilda eftirfarandi verklagsreglur:

- Í kjölfar miðlægra kjarasamninga reiknar stjórnsýslu- og þjónustusvið út áhrif þeirra á útgjöld einstakra sviða/stofnana/deilda bæjarins og gerir grein fyrir kostnaðaráhrifum sem hann hefur á einstök svið/ stofnanir/ deildir.
- Stjórnsýslu- og þjónustusvið gengur frá forsendum launaáætlana sem hlutaðeigandi stjórnendur nota við fjárhagsáætlungerð til að áetla fjármagn vegna launa.

7.6 Gjaldskrármál

Allar gjaldskrár og breytingar á þeim þurfa samþykki bæjarráðs og bæjarstjórnar. Sviðsstjóri ber ábyrgð á gjaldskrám síns sviðs og skal leggja tillögu að gjaldskrá eða gjaldskrárbreytingum fyrir viðkomandi fagnefnd sem skal lögð fyrir bæjarráð og bæjarstjórn.

7.7 Upplýsingakerfi

Nýþróun upplýsingakerfa er á ábyrgð stjórnsýslu- og þjónustusviðs. Stjórnsýslu- og þjónustusvið gætir þess að ákvarðanir um lausnir séu samhæfðar í öllu bæjarkerfinu.

7.8 Innkaup og samningar

Sviðstjóri gerir samninga um innkaup og framkvæmd einstakra verkþátta í samræmi við innkaupareglur Fjarðabyggðar er tilheyra hans sviði. Fjármálastjóri gerir samninga um innkaup og framkvæmd einstakra verkþátta í samræmi við innkaupareglur Fjarðabyggðar sem ná til fleiri sviða.

Fjárhagsáætlunarferli Fjarðabyggðar

Fastanefndir geta gert þjónustusamninga um umsjón og framkvæmd á skilgreindum verkefnum t.d við íþróttafélög og félög eldri borgara.

8. Tímaáætlun fjárhagsáætlunargerðar

Dagsetningar 2022 í fjárhagsáætlunarferli fyrir árið 2023:

- 7.6. Fundur bæjarráðs – frágangur á reglum um fjárhagsáætlunarferlið.
- 16.6. Samþykktar reglur í bæjarstjórn um fjárhagsáætlunarferlið
- 22.8. Fundur bæjarráðs - yfirferð tekju- og gjaldaforsenda
- 22.-26.8. Fundir sviðstjóra með fjármálastjóra og bæjarstjóra um áherslur fyrir rammaúthlutun
- 29.8. Fundur bæjarráðs - Drög að römmum
 - 5.9. Fundur bæjarráðs - ákvörðun bæjarráðs á úthlutun á römmum**
- 12.-16.9. Nefndarfundir um úthlutaða ramma
- 19.-23.9. Nefndarfundir um launáætlanir og fjárhagsáætlun
 - 23.9. Skil á launaáætlunum - lokafrestur**
 - 3.-7.10 Bæjarráð fundar með formönnun nefnda – áherslur, gjaldskrár og starfsáætlanir
 - 10.-14.10. Nefndarfundir vegna fjárhagsáætlunar - lokafrágangur
 - 14.10. Skil á starfs- og fjárhagsáætlun frá sviðsstjórum til fjármálasviðs – lokafrestur**
 - 24.10. Fundur bæjarráðs - drög að fjárhagsáætlun lögð fyrir bæjarráð
 - 31.10. Fundur bæjarráðs - endanleg áætlun lögð fyrir bæjarráð
 - 3.11. Fundur í bæjarstjórn, fyrri umræða
 - 17.11. Fundur í bæjarstjórn, seinni umræða